

摘藻堂四庫全書薈要

子部

欽定四庫全書薈要

子部

御纂醫宗金鑑卷六十七



詳校官主事臣陳木

欽定四庫全書薈要

御纂醫宗金鑑卷六十七

編輯外科心法要訣目錄

腹部

幽癰

中脘疽

赫癰

衝疽

臍癰

附臍中出水

少腹疽

腹皮癰

緩疽

腋部

腋癰

腋疽

黯疔

肋部

肋疽

淵疽

內發丹毒

脇癰

附疽

內癰部

肺癰

大小腸癰

胃癰

脾癰

肝癰

心癰

腎癰

三焦癰

內癰總論


驗內癰法

欽定四庫全書醫要卷一萬五百二十一子部

御纂醫宗金鑑卷六十七

編輯外科心法要訣

幽癰圖



幽癰在臍上七寸

腹部

幽癰

幽癰臍上七寸生初小漸大腫硬疼憂思厚味火毒發  
咬牙寒戰毒陷攻

註

此證生臍上七寸初起如粟漸增漫腫疼痛形如  
鶩卵甚則堅硬痛牽胸肋由過食膏粱厚味憂思  
氣結腸胃不通火鬱成毒自內而外發也初起腫  
痛皮色未紅時若心煩嘔噦涎沉實者當疎火毒



以絕其源宜內疎黃連湯服之。焮腫痛甚邪氣實也宜服托裏散外用艾壯隔蒜片灸之。脈見沉遲其膿未成用補中益氣湯托之。脈見洪數其膿已成用托裏透膿湯膿熟脹痛不潰係氣血虛也急用十全大補湯溫補之外兼用卧鍼開卧鍼者斜入斜出防傷內膜也。或誤行汗下或誤敷寒涼以致腫而不潰潰而不斂者急用十全大補湯加乾薑附子以救之。已潰朝寒暮熱者氣血虛也食少

作瀉脾胃虛也胸痞痰涌脾肺虛也俱服六君子  
湯服後諸證悉退換十全大補湯調理即愈外治  
之法按癰疽腫瘍潰瘍門無論已潰未潰忽咬牙  
寒戰係氣虛不能勝毒毒陷攻裏之兆或潰後膿  
水忽多忽少瘡口如蟹吐沫者係內膜已透俱為  
逆證

托裏散

皂刺

金銀花

黃芩

牡蠣

煨

當歸

赤芍

朴消

大黃

花粉

連翹

各等分  
去心

共研粗末每用五錢酒水各一鍾煎八分去渣服  
方歌托裏散醫諸瘡毒腫甚焮疼煎服消皂刺銀花芩

牡蠣歸芍消黃花粉翹

內疎黃連湯

見腫瘍門

隔蒜灸法 見首部灸法

托裏透膿湯

見頭部  
侵腦疽

補中益氣湯

十全大補湯

六君子湯

即香砂六君子湯減去  
藿香砂仁俱見潰瘍門

# 中脘疽圖



中脘疽在臍上四寸

中脘疽

中脘疽由胃火生臍上四寸隱隱疼堅硬漫腫無紅熱不食嘔噦毒內攻

註

此證一名胃疽發於心胸之下臍上四寸任脈經中脘穴隱痛日久向外生疽堅硬漫腫皮色無紅無熱由過食炙燂以致胃腑火毒而成人迎脈盛是毒氣攻裏作嘔不食咳嗽膿痰者逆初宜服仙方活命飲色紫堅硬宜服山甲內消散膿勢將成

內外治法俱按癰疽腫瘍潰瘍門若起長膿遲或  
瘡不炊痛者急用艾壯隔獨頭蒜片置患上灸之  
回陽

山甲內消數

穿山甲

三大片  
炒

當歸尾

大黃

甘草節

各三錢

土木鱉

三個

黑牽牛

殭蠶

各一錢  
炒

酒水各一鍾煎八分空心服渣再煎服大便行三  
四次方食稀粥淡味調理

方歌

山甲內消火毒積色紫堅疼中腕疽歸尾大黃殭  
草節木鱉牽牛加酒宜

仙方活命飲


見腫瘍門



嚇

癰

圖



嚇癰生在臍上三寸

嚇癰

嚇癰七情鬱火成臍上三寸粟微紅暴腫焮痛二七潰  
頂陷色黑潰遲凶

註

此證由七情鬱火凝結而成生臍上三寸屬任脈  
經建里穴初如粟米癢痛相兼其腫迅速寒熱往  
來甚則嘔噦牽引臍痛初腫微紅頂尖根束漸透  
赤色時痛時止十四日潰膿者順若頂陷紫黑根  
脚漫腫面赤大渴脈見浮數而散大者逆內治與

幽癰叅考外治法按癰疽腫瘍潰瘍門

# 衝疽圖



衝疽在臍上二寸

衝疽

衝疽臍上二寸生心火毒熾入腎紅高腫焮痛速潰吉  
若見七惡定然凶

註

此證生於任脈臍上二寸下脘穴一名中發疽又  
名壅腎瘡由心火熾盛流入腎經而成色赤高腫  
應在二十一日潰破膿稠受補者順初宜瘡科流  
氣飲或仙方活命飲消之膿將成時內外治法俱  
按癰疽腫瘍潰瘍門其證若平塌紫黑膿水清稀

七惡證見者逆

瘡科流氣飲

見背部  
痰注發

仙方活命飲

見腫瘍門

臍癰圖



臍癰生在肚臍

臍癰

附臍中出水

臍癰毒發在臍中腫大如瓜突若鈴無紅無熱宜蒜灸稠膿為吉污水凶

註

此證由心經火毒流入大腸小腸所致生於臍中

屬任脈經神闕穴此穴禁鍼腫大如瓜高突若鈴無紅無熱最宜隔蒜灸之初宜服仙方活命飲加升麻消之便結實者內疎黃連湯通利之將欲成膿內外治法俱按癰疽腫瘍潰瘍門潰後得稠膿



者順時出污水臭穢者逆亦有臍中不痛不腫甚  
癢時津黃水此屬腸胃濕熱積久宜服黃連平胃  
散外用三妙散乾撒滲濕即愈當忌酒麪生冷果  
菜不致再發若水出不止者亦屬逆

黃連平胃散

黃連 五錢

陳皮

厚朴 各三錢  
薑炒

甘草 二錢  
生

蒼朮 一兩  
炒

共研細末每服三錢白滾水調服

方歌黃連平胃散陳甘厚朴蒼朮共細研專除濕熱兼

消積能令臍水立時乾

三妙散

檳榔

蒼朮

生

黃蘗

各等分  
生

共研細末乾撒肚臍出水津溼成片止癢滲濕又

治濕癬以蘇合油調搽甚效

方歌  
三妙散用栝柳蒼黃藥同研  
滲濕瘡蘇合油調治

濕癬收乾止癢效稱強

隔蒜灸法

見首卷灸法

仙方活命飲

內疎黃連湯

俱見腫瘍門

少腹疽圖



少腹疽

# 少腹疽

少腹疽生臍下邊證由七情火鬱纏高腫紅疼牽背易漫硬陷腐水膿難

注

此證由七情火鬱而生每發於氣海丹田關元三穴氣海在臍下一寸五分丹田在臍下二寸關元在臍下三寸皆屬任脈經此三穴或一穴發腫即為少腹疽高腫紅活疼痛牽背易潰稠膿者易治若漫腫堅硬綿潰腐爛膿稀如水者難治凡遇此

證初起急用艾灸腫頂七壯至三七壯以痛癢通  
徹為度宜服仙方活命飲氣實之人大渴便秘者  
宜服內疎黃連湯通利之老弱之人宜服內補十  
宣散令其速潰若潰遲恐透內膜外治法同癰疽  
腫瘍潰瘍門

仙方活命飲


內疎黃連湯

俱見腫瘍門

內補十宣散

見胸部  
癰疽癰

# 腹皮癰圖



腹皮癰左右皆同

腹皮癰

腹皮癰生腹皮內皮裏膜外腫隱疼腹痛不止膿成候  
證由膏粱鬱火生

註

此證生於腹皮裏膜外無論左右隱疼日久後發  
癰腫於皮外右關脈見沉數而腹痛甚者是其候  
也由膏粱火鬱而成初起壯實者用雙解貴金丸  
下之虛弱者減半用之不應再服半劑凡下之後  
腹痛不止膿將成也急用托裏透膿湯潰後與癰



疽潰瘍門治法相同不可過用尅伐之劑若希圖消散過傷胃氣則腫不能潰潰不能斂立見危亡矣

雙解貴金丸

見腫瘍門

托裏透膿湯

見頭部  
侵腦疽

# 緩疽圖



緩疽在少腹之旁

緩疽

緩疽脾經氣積凝少腹旁生堅又疼數月不潰生寒熱食少削瘦效難成

註此證由太陰脾經氣滯寒積而成生於少腹之旁

堅硬如石不紅不熱痛引腰腿數月不潰若兼食少削瘦者終屬敗證不可棄而不治初宜服山甲內消散不應不可強消徒損胃氣以十全大補湯加烏藥附子胡盧巴溫補之外用木香餅熨之兼

用獨頭蒜搗爛鋪於患上艾壯灸之以知熱為止  
次日再灸以或消或潰為效若潰後即按癰疽潰  
瘍門治法

山甲內消散

見中脫疽

十全大補湯

見潰瘍門

木香餅

見乳部乳  
中結核

# 腋 離 圖

腋離生在乳腋窩中左右皆同



腋部

腋癰

腋癰暴腫生腋間腫硬焮赤痛熱寒肝脾血熱兼忿怒  
初宜清解潰補痊

註

此證一名夾肢癰發於腋際即俗名肱肢窩也屬  
肝脾血熱兼忿怒而成初起暴腫焮硬色赤疼痛  
身發寒熱難消必欲作膿初宜服柴胡清肝湯外  
敷冲和膏疼痛日增宜服透膿散加金銀花甘草

節枯梗膿脹痛者鍼之已潰內外治法俱按癰疽  
潰瘍門此證首尾忌用寒涼中年易愈老弱之人  
難痊

柴胡清肝湯

見頭部  
鬚疽

沖和膏

透膿散

俱見腫  
瘍門

# 腋疽圖



腋疽生在肘腋窩居中堅硬潰遲左右皆同



# 腋疽

腋疽初起若核形肝悲脾憂氣血凝漫腫堅硬宜蒜灸日久紅熱潰先疼

註

此證一名米疽又名疔疽發於肘腋窩正中初起之時其形如核由肝脾二經憂思悲怒氣結血滯而成漫腫堅硬皮色如常日久將潰色紅微熱疼痛也初宜艾壯隔蒜片灸法內服柴胡清肝湯加烏藥消之虛弱之人宜服香貝養榮湯外用烏龍

膏敷之早治或有全消者遲則膿成宜服托裏透  
膿湯膿脹痛者鍼之膿出痛減隨患者虛實補之  
其餘內外治法俱按癰疽潰瘍門此證初終內外  
治法禁用寒涼中年易愈衰老難痊

隔蒜灸法

見首卷  
灸法

柴胡清肝湯

見頭部  
鬚疽

香貝養榮湯

見項部  
上石疽

烏龍膏

見腫瘍  
門

托裏透膿湯

見頭部  
侵腦疽

黯

疔

圖



黯疔生在肱股窩堅硬色紫按之似釘頭

黥疔

黥疔藏於腋下生肝脾火毒癢而疼寒熱拘急色紫黑  
急按疔門治即寧

註

此證生於腋下由肝脾二經火毒而成堅硬勢若  
釘頭癢而且痛寒熱往來四肢拘急其色紫黑煩  
躁作嘔痛引半身宜服麥靈丹其次內外急按疔  
門治之即愈


麥靈丹

見腫  
瘍門



# 肋 疽 圖

肋疽在肋條骨間堅硬色紫腫大如盤



肋部

肋疽

肋疽始發屬肝經火毒鬱怒結腫形紫痛梅李甚如盤  
急宜鍼砭免內攻

註

此證一名夾熒疽生於肋條骨間由肝經火毒鬱  
怒結聚而成初如梅李漸大如盤色紫焮痛連及  
肩肘患在左痛牽右肋患在右痛牽左肋二十一  
日之內膿潰稠黏者順屆期不潰既潰出清水者



逆初腫急宜磁鍼砭出紫血庶免毒氣攻裏砭後

赤腫痛甚煩躁脈實作嘔為有餘之證宜服雙解

貴金丸下之腫硬不潰宜服透膿散脈弱作嘔此

胃虛也宜服香砂六君子湯補之亦有痛傷胃氣

而作嘔者即同胃虛治之若感受寒邪及偶觸穢

氣而作嘔者雖腫時尤宜壯胃助氣為主蓋腫時

作嘔因毒氣內侵者十有一二停飲內傷者十有

八九惟醫人臨證詳辨之膿熟用卧鍼開之餘按

癰疽潰瘍門治法

雙解貴金丸

透膿散

俱見腫  
瘍門

香砂六君子湯

見潰  
瘍門

# 淵疽圖

淵疽在脰下三寸堅硬不紅



淵疽

淵疽肝膽憂恚成生於肋下硬腫疼潰破有聲內膜透未潰當服護膜靈

註

此證因憂恚太過以致肝膽兩傷而成生於肋下初起堅硬腫而不紅日久方潰得稠白膿者順如豆漿水者險瘡口有聲似乎兒啼此屬內膜透也即於陽陵泉穴灸二七壯其聲即止穴在膝臑骨外臛下一寸陷中蹲坐取之即得內外治法皆同

肋疽凡肋胷脅腰腹空軟之處發癰疽者當在將潰未潰之際多服護膜散可免透膜之患

# 護膜散


白蠟

白及 各等分

共研細末輕劑一錢中劑二錢大劑三錢黃酒調服米湯亦可

方歌 護膜散內二味藥白蠟白及為細末或酒或以米湯調將膿預服不透膜

內發丹毒圖



內發丹毒生於肋骨延及腰膀色赤如霞遊走如雲

內發丹毒

丹毒肝脾熱極生肋上腰胯赤霞形急宜砭出紫黑血  
嘔噦昏脹毒內攻

註

此證由肝脾二經熱極生風所致生於肋骨延及  
腰胯色赤如霞遊走如雲痛如火燎急向赤腫週  
圍砭出紫黑血以瘦牛肉片貼之羊肉片亦可其  
毒即可減半初服雙解貴金丸汗之次服化斑解  
毒湯投方應病者順若嘔噦昏憤胸腹臃脹徧身

青紫者則為毒氣內攻屬逆

化斑解毒湯

升麻

石膏

連翹

去心

牛蒡子

炒研

人中黃

黃連

知母

黑參

各一錢

竹葉二十片水二鐘煎八分服

方歌化斑解毒熱生風致發丹毒雲片紅升膏翹蒡中



黃等黃連知母黑參同

雙解貴金丸

見腫  
瘍門

脇 癰 圖



脇癰 附疽

脇癰焮紅高腫疼疽堅塌漫冷不紅皆屬肝膽怒火結  
遲潰敗漿冷虛凶

註

此證生於輭肋有硬骨者為肋肋下輭肉處為季  
脇癰疽二證皆由肝膽怒火凝結而成多生於體  
虛之人初如梅李漸長如盤如盆色紅焮痛高腫  
二七潰破膿稠為癰若堅硬平塌漫腫木痛不紅  
不熱月餘潰破稀膿為疽若失治屆期不潰攻擊

成膿腫如鼓脹破出敗漿腥臭膿者逆癰疽二證  
初腫時俱宜急服柴胡清肝湯解鬱瀉火如已成  
者服托裏透膿湯膿熟脹痛俱用卧鍼開之已潰  
以排餘膿補氣血為要餘按癰疽潰瘍門治法投  
補不應者難治


柴胡清肝湯

見頭部  
鬚疽


托裏透膿湯

見頭部  
侵腦疽

# 五臟六腑



# 諸募穴圖



內癰部

肺癰

肺癰肺熱復傷風肺藏生癰隱痛胸狀若傷寒燥欬甚稠濁痰涎腥臭膿未潰射干麻黃汗壅不得卧葶藶攻潰後膿稠能食吉膿清兼血不食凶

註

此證係肺藏蓄熱復傷風邪鬱久成癰以致胸內中府穴隱隱疼痛振寒脈數狀類傷寒咽燥不渴欬而喘滿唾稠黏黃痰兼臭穢膿血也治之者於

未潰時乘膿未成風鬱於表者法宜疎散用射干  
麻黃湯以汗之如氣壅喘滿身不得卧者急服葶  
藶大棗湯以瀉之如欬有微熱煩滿胸中甲錯膿  
欲成者宜千金葦莖湯以吐之若吐膿腥臭形如  
米粥者宜桔梗湯以排餘膿若吐膿腥臭欬而胸  
滿者宜外臺桔梗白散以開瘀塞若咯吐膿血兼  
午後身熱煩躁宜金鯉湯主之兼飲童便若潰後  
胸膈脇肋隱痛不止口燥咽乾煩悶多渴自汗盜



汗眠卧不得欬吐稠痰腥臭此係癰膿不盡而兼裏虛宜寧肺桔梗湯主之若癰膿已潰喘滿腥臭濁痰俱退惟欬啞咽乾咯吐痰血脇肋微痛不能久卧者此屬肺癰潰處未斂宜紫苑茸湯清補之渴甚去半夏加石膏服之若癰膿潰後欬嗽無休膿痰不盡形氣虛羸者宜清金寧肺丸主之凡治此證惟以身溫脈細膿血交粘痰色鮮明飲食甘美膿血漸止便潤者為吉若手掌皮粗潰後六脈

洪數氣急顴紅汚膿白血懶食及大便結燥者為  
凶中府穴又名肺募在乳上第三根肋骨間

射干麻黃湯

射干

十三枚  
或三兩

麻黃

生薑

各四兩

細辛

紫苑

款冬花

各三兩

大棗

七枚

五味子

半夏

各半升  
洗

水煎溫服

方歌射干麻黃欬上氣肺癰喉中水雞聲射麻生薑辛

苑夏五味大棗並欬冬

葶藶大棗湯

苦葶藶

輕者五錢  
重者一兩

大棗

輕者五枚重  
者十枚去核

以水三鍾煎至一鍾服之

方歌葶藶大棗治肺壅欬不得卧有癰膿葶藶苦寒瀉

實熱佐棗之甘和胃經

千金葦莖湯

葦莖

二升

薏苡仁

炒

瓜瓣

各半升即  
冬瓜仁

桃仁

五十粒  
去皮尖炒研

水煎服

方歌

千金葦莖肺癰欬微熱煩滿吐敗濁皮膚甲錯宜

葦莖薏苡桃仁瓜瓣合

桔梗湯

苦桔梗

一兩

甘草

二兩  
生

水煎服

方歌桔梗湯用排餘膿肺癰吐膿米粥形清熱解毒須

甘草開提肺氣桔梗功

外臺桔梗白散

苦桔梗

貝母 各三分

巴豆

一分  
去皮熬研如脂

右三味為散強人飲服半錢七羸者減之病在膈上者吐膿在膈下者瀉出若下多不止飲冷水一

盃則定

方外臺桔梗白散方肺癰便秘服之良桔梗貝母與

巴豆藥微力大功速強

金鯉湯

金色活鯉魚

一尾約四兩重

貝母

二錢

先將鯉魚連鱗剖去肚腸勿經水氣用貝母細末  
摻在魚肚內線紮之用上白童子便半大盃將魚  
浸童便內重湯炖煮魚眼突出為度少頃取出去

鱗骨取淨肉浸入童便內炖熟肉與童便作二三  
次一日食盡一枚其功效甚捷

方歌

金鯉湯中效罕稀法同貝母活鯉魚童便浸魚重  
湯炖肺癰煩熱善能醫

寧肺桔梗湯

苦桔梗

貝母

去心

當歸

栝蒌仁

研

生黃耆

枳殼

麩炒

甘草節

桑白皮

炒

防已

百合

去心

薏苡

各八分  
炒

五味子

地骨皮

知母

生

杏仁

炒研

苦葶藶

各五分

水二鍾薑三片煎八分不拘時服

欬甚倍加百合

身熱加柴胡黃芩



大便不利加蜜炙大黃一錢

小水澀滯加燈心木通

煩躁痰血加白茅根

胸痛加人參白芷

方歌寧肺桔梗肺癰耆歸萸貝殼甘桑皮防已百合葶

五味杏知苡仁地骨宜

紫苑茸湯

紫苑茸

犀角

末

甘草

炙

人參

各五分

桑葉

用經霜者

款冬花

百合

去心

杏仁

炒研

阿膠

便潤炒用  
便燥生用

貝母

去心

半夏

製

蒲黃

各七分  
生

引薑三片水二鍾煎八分將犀角末調入食後服

方歌

紫苑茸湯參犀角款冬桑葉杏百合阿膠甘夏貝

蒲黃專醫肺癰不久臥

清金寧肺丸

陳皮

白茯苓

苦桔梗

貝母

去心

人參

黃芩

各五錢

麥冬

去心

地骨皮

銀柴胡

川芎

白芍

炒

胡黃連

各六錢

五味子

天冬

去心

生地

酒浸搗膏

熟地

搗膏

歸身

白朮

炒各一兩

甘草

三錢  
炙

右為細末煉蜜為丸如梧桐子大每服七十九食

遠白滾湯送下

方歌

清金寧肺丸肺癰陳苓桔貝參二冬柴苓歸芍黃

連草朮味生熟地骨芍

大小腸癰

大小腸癰因濕熱氣滯瘀血注腸中初服大黃行瘀滯  
膿成薏苡牡丹平

註

此二證俱由濕熱氣滯凝結而成或努力瘀血或  
產後敗瘀蓄積流注於大腸小腸之中初起發熱  
惡風自汗身皮甲錯關元天樞二穴隱痛微腫按  
之腹內急痛大腸癰多大便墜腫小腸癰多小水  
澁滯脈俱遲緊此時癰膿未成宜大黃湯下之瘀  
血利盡若小水閉澁仍宜大黃湯加琥珀末木通

利之自效若癰成日久不潰身皮甲錯內無積聚  
腹急腹痛身無熱而脈數者係腸內陰冷不能為  
膿宜薏苡附子散主之若脈見洪數肚臍高突腹  
痛脹滿不食動轉側身則有水聲便淋刺痛者癰  
膿已成宜薏苡湯主之腹濡而痛少腹急脹時時  
下膿者毒未解也宜丹皮湯治之如膿從臍出腹  
脹不除飲食減少面白神勞此屬氣血俱虛宜八  
珍湯加牡丹皮肉桂黃耆五味子欬而補之患者

轉身動作宜徐緩而勿驚慎之如耽延日久因循失治以致毒攻內藏腹痛牽陰腸胃受傷或致陰器紫黑腐爛色敗無膿每流污水衾幃多臭煩躁不止身熱噤乾俱屬逆證關元穴又名小腸募在臍下三寸天樞穴又名大腸募在臍旁開二寸

大黃湯

大黃

剉炒

牡丹皮

消石

研

芥子

桃仁

炒先以湯浸去皮尖雙仁勿用

右各等分共判碎每用五錢水二鍾煎至一鍾去渣空心溫服以利下膿血為度未利再服

方歌  
大黃湯善治腸癰少腹堅痛膿未成牡丹皮與大

黃炒芥子桃仁消石靈

薏苡附子散

附子

二分  
炮

敗醬

五分

薏苡仁

一錢  
炒



右為末每服方寸匕以水二合煎頓服小水當下  
三因云薏苡附子同前敗醬用一兩一分每四錢  
水盞半煎七分去渣空心服

方歌

薏苡附子散甲錯腸癰腹脹痛脈數附子敗醬薏  
苡仁為末水煎空心服

薏苡湯

薏苡仁

枯蘘仁

各三錢

牡丹皮

桃仁

各二錢  
泥

水二鍾煎至一鍾不拘時服

方歌薏苡湯治腹水聲腸癰便淋刺痛疼牡丹皮共枯

萋子還有桃仁薏苡仁

丹皮湯

丹皮

枯萋仁 各一錢

桃仁泥

朴消 各二錢

大黃 五錢

水二鍾煎一鍾去渣入消再煎數滾不拘時服

方歌丹皮湯療腸癰證腹濡而痛時下膿消黃丹萸桃

仁共水煎服之有奇功

八珍湯

見潰瘍門

胃癰

胃癰中脘穴腫疼不欬不嘔吐血膿飲食之毒七情火  
候治腸癰大法同

註

此證初起中脘穴必隱痛微腫寒熱如瘧身皮甲  
錯並無咳嗽咯吐膿血由飲食之毒七情之火熱

聚胃口成癰脈來沉數者初服清胃射干湯下之  
若脈瀯滯者瘀血也宜服丹皮湯下之脈洪數者  
膿成也赤豆薏苡仁湯排之體倦氣喘作渴小水  
頻數者肺氣虛也補中益氣湯加麥冬五味子補  
之其候證生死治法與大小腸癰同中脘穴又名  
胃募在臍上四寸

清胃射干湯

射干

升麻

犀角

麥冬

去心

玄參

大黃

黃芩

各一錢

芒消

梔子

竹葉

各五錢

水煎服

方歌

清胃射干湯射干升麻犀角麥冬全參芩大黃芒

消等竹葉山梔胃癰痊

赤豆薏苡仁湯

赤小豆

薏苡仁

防己

甘草 各等分

水二鍾煎八分食遠服

方歌赤豆薏苡湯最神甘已赤豆薏苡仁胃癰膿成鰥

洪數二鍾水煎服八分

丹皮湯

見大小腸癰

補中益氣湯

見潰瘍門

脾癰

脾癰濕熱瘀血凝章門穴腫兼隱疼腹脹噤乾小水短利下濕瘀補收功

註

此證始發章門穴必隱疼微腫由過食生冷兼濕熱或瘀血鬱滯脾經而成令人腹脹咽噤乾燥小水短澀初宜大黃湯赤豆薏苡仁湯二方合而用之以攻滯鬱二便通利腹脹全消宜六君子湯扶脾調理順逆看法與胃癰同章門穴又名脾募在臍旁開六寸高上二寸

大黃湯

見大小腸癰

赤豆薏苡仁湯

見胃癰

六君子湯

即香砂六君子湯去藿香砂仁 見潰瘍門

肝癰

肝癰憤鬱氣逆成期門穴腫更兼疼卧驚肱滿溺不利清肝滋腎即成功

註

此證始發期門穴必隱痛微腫令人兩肱脹滿脇痛側卧則驚便溺艱難由憤鬱氣逆而成初服復



元通氣散次服柴胡清肝湯痛脹已止宜服六味  
地黃丸脾虛食少則佐以八珍湯滋腎補脾治之  
取效禁用溫補鍼灸期門穴又名肝募在乳旁一  
寸半再直上一寸半

復元通氣散

見腫  
瘍門

柴胡清肝湯

見頭部  
鬢疽

六味地黃丸

見面部  
雀斑

八珍湯

見潰  
瘍門

心癰

心癰巨闕腫隱疼酷飲嗜熱火毒成面赤口渴身作痛  
治法陽熱總宜清

註此證始發巨闕穴必隱痛微腫令人寒熱身痛頭  
面色赤口渴隨飲隨乾由心火熾盛更兼酷飲嗜  
熱而成宜服涼血飲酒毒為病者宜服升麻葛根  
湯治之此證甚屬罕有但治法不可不備巨闕穴  
又名心募在臍上六寸五分

涼血飲

木通

瞿麥

荊芥

薄荷

白芷

花粉

甘草

赤芍

麥冬

去心

生地

山梔子

車前子

連翹

各等分  
去心

引用燈心若潮熱加淡竹葉水煎溫服

方歌

涼血飲善治心癰瞿荊荷芷草翹通赤芍山梔乾  
生地車前花粉麥門冬

升麻葛根湯

山梔

升麻

葛根

白芍

柴胡

黃芩

各一錢

黃連

木通

甘草 各五分

水二鍾煎八分不拘時服

方歌升麻葛根湯山梔酒毒心癰黃連宜柴芍通芩升

葛草水煎溫服不拘時

腎癰

腎癰腎經不足生京門微腫隱隱疼少腹肋下臍脹滿  
房勞形寒邪外乘

註此證始發京門穴必隱痛微腫令人寒熱往來面

白不渴少腹及肋下脹滿由腎虛不足之人  
房勞太過身形受寒邪氣自外乘之初服五積散  
加細辛寒盡痛止宜用桂附地黃丸調理京門穴  
又名腎募在身側腰中監骨下肋間

五積散

蒼朮

炒二錢

陳皮

桔梗

川芎

當歸

白芍

各一錢

麻黃

枳殼

麩炒

桂心

乾薑

厚朴

各八分

白芷

半夏

製

甘草

生

茯苓

各四分

引薑一片水二鍾煎八分不拘時服

頭痛惡寒者加連鬚葱頭三個蓋卧汗出甚效

方歌五積散蒼殼陳苓麻黃半桔歸芍芎芷朴桂心乾

薑草腎癰寒邪服成功

桂附地黃湯

見潰瘍門

三焦癰

三焦癰由濕熱凝石門穴上腫隱疼寒結治同腸癰法  
內癰俱係膜內生

註

此證始發石門穴必隱疼微腫令人寒熱往來二  
便秘澀由濕熱遇寒凝結而成治法與大小腸癰  
同凡內癰俱係膜內成患外皮不腐石門穴又名



三焦募在臍下二寸

內癰總論

凡人胸腹有十一募募者各藏府陰會之所也靈樞云發內癰內疽者其本經募上肉必浮腫募中必時時隱痛浮腫為癰隱痛為疽此即內癰內疽之驗也茲內癰有治法內疽無治法何也蓋內癰內疽其病原無殊惟在根淺根深之別耳根淺為癰根深為疽若臨證用藥攻補得宜無不收效至募有十一而內癰僅九證者何


也蓋膽府形如膜皮無出無納汁清氣潔不生內癰內  
疽若夫膀胱亦如膜皮中惟濁水故古今書籍並無講  
及內癰內疽者是以未敢詳載雖然中極穴即膀胱募  
也今人間有中極穴或浮腫或隱痛者所見證候竟同  
小腸癰治法亦當按小腸癰治之可也俟後之學者留  
意焉

驗內癰法

凡遇生內癰之人與生黃豆五粒嚼之口中無豆味者

是其候也

御纂醫宗金鑑卷六十七



總校官庶吉士臣張能照

校對官檢討臣盧應

膳錄監生臣徐松

繪圖監生臣竇光國

欽定四庫全書薈要

子部

御纂醫宗金鑑卷六十八

詳校官主事<sub>臣</sub>陳本



欽定四庫全書薈要

御纂醫宗金鑑卷六十八

編輯外科心法要訣目錄

肩部

肩中疽

乾疽

過肩疽

膠疽

肩風毒

樂疽

臍部

臍癰

附藕包毒

魚肚發

石榴疽

肘癰

臂部



臂癰

附疽

腕癰

兌疽

穿骨疽

骨癰疽

螻蛄串

手部

手發背

掌心毒

虎口疽

附合谷疔

病鰕

手了發

調疽

蛇頭疔

天蛇毒

蛇眼疔

蛇背疔

蛙節疔

蛇腹疔

泥鰕疽

代指

蛭螂蛙

癰瘡

狐尿刺

鵝掌風

欽定四庫全書薈要卷一萬五百二十二子部

御纂醫宗金鑑卷六十八

編輯外科心法要訣

肩 中 疽 圖



肩中疽生肩正中左右皆同

# 乾 疽 圖

乾疽生在肩前廉左右皆同



過肩疽圖

過肩疽生在肩后廉左右皆同



肩部

肩中疽 乾疽 過肩疽

肩疽癰發正肩中疽硬黑陷癰腫紅乾疽肩前過肩後  
風濕積熱血瘀凝

註此疽生於肩中廉屬三焦膽二經紅活高腫一名

疔癰堅硬平塌為肩中疽肩之前廉屬大腸經名  
乾疽一名疔疽肩之後廉屬小腸經名過肩疽瘡  
勢無論大小惟在發源之處命名總由濕熱風邪



鬱成亦有負重瘀血凝結而成高腫紅活焮熱速  
潰者順若平塌堅硬無紅無熱潰遲者險甚則腫  
痛連及臂胛口噤寒戰大痛不食或兼綿潰便瀉  
者逆治法初起有表證者俱宜荊防敗毒散汗之  
有裏證者內疎黃連湯下之汗下之後腫痛不退  
膿勢將成宜用托裏透膿湯膿熟開之至於引經  
之藥惟在臨證時因經加之潰後內外治法俱按  
癰疽潰瘍門

荊防敗毒散

見項部  
腦疽

內疎黃連湯

見腫  
瘍門

托裏透膿湯

見頭部  
侵腦疽

膠

疽

圖

膠疽在肩之后下腋之后外層岐骨縫間左右同



# 肩風毒圖



肩風毒生在肩梢骨縫中左右皆同

膠疽 肩風毒

膠疽肩後腋外生小腸肩貞風火凝肩風毒生臑端上  
大腸肩髃風濕成

註膠疽生於肩之後下腋之後外微上岐骨縫之間  
經屬小腸肩貞穴由風火凝結而成初起如粟堅  
硬腫痛肩臑拘急不能舉揚初服荊防敗毒散便  
燥實者服雙解貴金丸雙解之肩風毒生於肩梢  
臑上骨尖處經屬大腸肩髃穴由邪風深襲骨縫

與濕稽留化熱而成初起宣腫色赤大者如桃小者如杏痛連肩膈更兼拘急初服蠲痛無憂散汗之即消若腫痛日深不能盡消者膿勢將成也宜服托裏透膿湯二證潰後內外治法俱按癰疽潰瘍門

蠲痛無憂散

番木鱉

香油燂浮

當歸

酒洗

甘草

各二兩生

麻黃

三兩

穿山甲

陳土炒

川烏

黑豆酒煮去皮尖

草烏

薑汁煮

蒼朮

米泔水浸炒

半夏

製各二兩

威靈仙

一兩

各製為末共和勻每服五七分至一錢無灰酒調

服再飲酒以醉為度蓋卧出汗避風此方加開羊

花四兩亦治頭風痛

方蠲痛無憂肩風毒風襲骨縫與濕凝番驚歸草麻

黃甲川芎烏蒼半威靈

荊防敗毒散

見項部  
腦疽

雙解貴金丸

見腫  
瘍門

托裏透膿湯

見頭部  
侵腦疽



樂 疽 圖

樂疽生在肩前下腋前外之上骨縫間合空凹陷中左右皆同



# 樂疽

樂疽肩前腋上生骨縫開合凹陷中堅如鵝卵痛入骨  
包絡血熱氣鬱成

註此證生於肩前腋之上骨縫開合空凹陷中初起  
如椒子漸腫堅硬大如鵝卵按之疼痛入骨屬包  
絡經血熱氣鬱而成其證屆期潰破出稠膿腫消  
者順月餘不潰既潰出清水腫硬不退者逆初宜  
服神授衛生湯若惡風太過倍加蔥白汗之次服

托裏透膿湯潰遲者十全大補湯潰後內外治法  
俱按癰疽潰瘍門

神授衛生湯

見腫瘍門

托裏透膿湯

見頭部  
侵腦疽

十全大補湯

見潰瘍門

欽定四庫全書

欽定四庫全書  
卷六十八

臍


癰

圖



臍癰在肩之下肘之上週匝漫腫色赤裏外廉俱生左右臍同

# 藕包毒圖



藕包毒生在左右臍部不拘裏外廉俱可以生

臍部 自肩至肘曰臍

臍癰 附藕包毒

臍癰肩肘週匝腫色赤焮疼粟癰彊藕包毒狀鴨鵝卵  
臍內三陰外三陽

註 此證由風瘟或風火凝結而成生於肩下肘上週

匝漫腫色赤焮痛初起狀如粟米一攢亦有起一  
粒彊疣瘡者漸次焮腫紅熱聾膿痛甚紅腫之外  
無暈者順有二暈者險三四暈者逆腫發臍內或

臈外結腫一枚如桃如鴨鵝卵者名藕包毒毒者  
癰之輕證也臈癰藕包內外治法俱按癰疽腫瘍  
潰瘍門此癰毒發苗之處若在臈內者屬手三陰  
經在臈外者屬手三陽經隨證用引經之藥必然  
獲效



# 魚肚發圖

魚肚發在臍部之后垂內處嫩腫色赤



魚肚發

魚肚發如魚肚形青靈穴生心火凝暴腫紅活焮熱痛  
癰疽治法即成功

註此證生於臍之後垂肉處屬心經青靈穴由火毒  
凝結而成暴腫色赤焮熱疼痛形如魚肚腫潰治  
法俱按癰疽腫瘍潰門其引經之藥惟在臨證  
加之

石 榴 疽 圖

石榴疽生在肘尖之上寸餘堅硬色紫左右肘同



# 石榴疽

石榴疽起肘尖上粟皰根開堅腫疼破翻如榴寒熱甚三焦相火與濕凝

註此證生於肘尖上寸餘屬三焦經天井穴初起黃

粟小皰根脚便覺開大色紅焮腫堅硬疼痛腫如覆盃破翻如榴寒熱如瘡由三焦相火與外濕相搏而成初起宜蟾酥丸汗之外以艾灸九壯貼蟾酥餅用萬應膏蓋之焮腫處敷沖和膏服菊花清

燥湯煩躁熱甚者服護心散九日後作稠膿痛減  
喜食表裏證俱退者順反此者逆破後用菊花蕊  
煎湯洗之次以菊花燒灰存性加輕粉少許兌勻  
敷之神效至透膿脫腐生肌時內外治法俱按癰  
疽潰瘍門

菊花清燥湯

甘菊花

二錢

當歸

生地

白芍酒炒

川芎

知母

貝母

去心研

地骨皮

麥冬

各一錢  
去心

柴胡

黃芩

升麻

犀角

鎊

甘草

各五分  
生

竹葉二十斤燈心二十寸水二鍾煎八分食後溫服

方歌菊花清燥石榴疽腫硬焮紅痛可醫四物柴芩知

貝草升麻地骨麥冬犀

蟾酥丸

蟾酥餅

即蟾酥丸料捏成餅見疥瘡門

萬應膏

見潰瘍門

沖和膏

護心散

俱見腫瘍門

# 肘癰圖

肘癰生在肘之圍遶赤腫左右肘同





# 肘癰

肘癰發於肘圍遶高腫焮熱赤紅疼心肺稽留風邪火勢小為癰勢大癰

註此證生於肘之圍遶暴發高腫焮熱色紅疼痛由心肺風火之邪稽留凝滯而成形勢小者為癰毒形勢大者為癰初服荊防敗毒散汗之次服白芷升麻湯清托之外敷二味拔毒散將潰治法俱按癰疽腫瘍潰瘍門

白芷升麻湯

黃芩

二錢

半生半酒炒

連翹

二錢

去心

黃耆

三錢

白芷

八分

升麻

桔梗

各五分

紅花

酒洗

甘草

各三分

炙

酒水各一鍾煎八分食遠熱服

方歌

白芷升麻醫腫痛解熱除煩托肘癰芩翹桔梗紅

花草黃耆酒水各一鍾

荆防敗毒散

見項部腦疽

二味拔毒散

見腫瘍門

欽定四庫全書

卷六十八

臂癰圖



臂癰亦腫臂疽堅硬不拘臂之裏外瘰皆可以生左右臂相同

臂部

自肘至腕曰臂

臂癰附疽

臂癰臂疽遶臂生平紫硬疽紅腫癰榮衛風邪逆肉理  
甚則拳縮徹骨疼

註此證生臂外側屬三陽經臂裏側屬三陰經高腫  
紅活焮痛潰速者為癰平陷紫暗堅硬木痛潰遲  
者為疽俱由榮衛不週感受風邪逆於肉理而成  
初起形如粟粒憎寒壯熱宜服荊防敗毒散汗之

焮痛煩熱宜服白芷升麻湯消之膿勢將成宜服  
托裏透膿湯膿熟鍼之若疽證木痛無紅無熱此  
屬氣血兩虛無論已潰未潰宜服十全大補湯托  
之潰後內外治法俱按癰疽腫瘍潰瘍門若拳縮  
筋不能舒疼痛徹骨者係潰深傷脈也屬逆

荊防敗毒散

見項部腦疽

白芷升麻湯

見臑部肘癰

托裏透膿湯

見頭部侵腦疽

十全大補湯見潰瘍門



腕 癰 圖



腕癰生在手腕背面高腫色紅左右相同

腕癰

腕癰三陽風火凝手腕背面結癰形高腫速潰順易治  
腐爛露骨逆難功

註

此證生於手腕背面屬手三陽經由風火凝結而  
成高腫紅活在十四日潰破膿出痛減者順而易  
治手腕乃皮肉澆薄之處若遷延日久不潰或漫  
腫平塌既潰腐爛露骨者逆難於收功初服荊防  
敗毒散汗之外用太乙紫金錠敷之膿成將潰即

按癰疽腫瘍潰瘍治法

荆防敗毒散

見項部腦疽

太乙紫金錠

見胸部脾發疽

# 兌 疽 圖



兌疽在手腕裏面橫紋前稍動脈之間左右同

# 兌疽

兌疽生腕動脈間堅硬漫腫兌骨邊痛徹手膊為險證  
本屬肺經穴太淵

註此證生於手腕裏面橫紋前稍動脈之間兌骨裏  
側屬肺經太淵穴由憂思氣滯風火結成堅硬漫  
腫疼痛徹骨手膊不能轉動此動脈處乃肺經門  
戶若發此疽或潰深大洩肺氣最為險候內外治  
法俱按癰疽腫瘍潰瘍門

# 穿骨疽圖



穿骨疽生在掌后橫紋上三寸左右相同

# 穿骨疽

穿骨疽生間使穴掌後三寸包絡經堅硬漫腫因蘊熱毒盛潰深穿骨疼

註

此證生於間使穴處在掌後橫紋上三寸兩筋陷中屬包絡經蘊熱凝結而成初起如粟漸增堅硬漫腫微紅輟熱疼痛應期速潰者順若潰破遲緩膿毒潰穿骨縫從臂外側出膿者險內外治法俱按癰疽腫瘍潰瘍門

# 骨 蟻 疽 圖



骨蟻疽生在臂外前廉色紫左右同



# 骨蠹疽

骨蠹疽生臂外廉經屬陽明憂怒纏瘡疼根束多善順  
紫暈腐串七惡難

註此證生於臂外側前廉大骨之後屬手陽明大腸  
由憂鬱暴怒凝結而成初如粟豆旬日大如桃李  
腫硬疼痛瘡根收束多見五善之證者順若紫暈  
開大腐爛斑點串通肌肉抽搐拘急多見七惡之  
證者逆始終內外治法俱按癰疽腫瘍潰瘍門

蠅 蛄 串 圖



蠅蛄串生在掌后橫紋上三寸左右相同

螻蛄串

螻蛄串生臂內中思傷脾氣包絡凝筋骨如中流矢痛  
內潰串孔似漏形

註

此證生於臂內中廉屬包絡經由思慮傷脾脾傷  
則運化遲故生濁液流於肌肉脾氣滯鬱不舒凝  
結而成此患初起筋骨如中流矢疼痛漸增漫腫  
堅硬不紅不熱連腫數塊臂膊不能轉動日久其  
腫塊漸次潰破孔孔時流白漿內潰串通諸孔外

勢腫硬不消膿水淋瀝如漏虛證悉添如面黃食  
少削瘦甚則午後寒熱交作而成敗證也初起宜  
服逍遙散外敷太乙紫金錠次服人參養榮湯調  
和氣血扶助脾胃十中可保二三潰按癰疽潰瘍  
治法若投藥不效者屬逆

逍遙散

見背部上搭手

太乙紫金錠

見胸部脾發疽

人參養榮湯

見潰瘍門

手發背圖



手發背兩手皆同

手部

手發背

手發背初茫刺形三陽風火與濕凝堅硬潰傷筋骨險高腫速潰易收功

註此證生於手背屬手三陽經由風火與濕凝滯而成初起形如芒刺漸覺疼痛高腫紅活焮熱潰速為癰若漫腫堅硬無紅無熱潰遲為疽其證無論形勢大小但潰深露筋骨者難痊初俱宜服羌活

散汗之次服內疎黃連湯清之其餘內外治法俱按癰疽腫瘍潰瘍門

羌活散

羌活

當歸各二錢

獨活

烏藥

威靈仙

各一錢五分

升麻

前胡

荊芥

桔梗

各一錢

甘草

生五分

肉桂 三分

酒水各一鍾煎一鍾食遠服

方羌活散醫手發背除濕發汗把風追升麻前獨荆

歸草烏藥威靈桔桂隨

內疎黃連湯見腫瘍門



掌 心 毒 圖

掌心毒兩手心皆同




# 掌心毒

掌心毒生赤腫疼經屬包絡積熱成偏於掌邊名穿掌  
初宜發汗次宜清

註此證生於手掌心赤腫疼痛屬包絡經勞宮穴積  
熱而成若偏於掌邊名穿掌毒一名穿埂毒又名  
鵝癰初起治同手發背其餘治法俱按癰疽腫瘍  
潰瘍門

虎口疽圖

虎口疽兩手皆同



虎口疽

附合谷疔

虎口疽生合骨穴經屬大腸熱濕凝根深為疔大為疽  
堅硬木痛汗鍼明

註此證生於合谷穴在手大指次指岐骨間屬大腸  
經濕熱凝結而成一名丫叉毒一名擘蠚毒初起  
如豆漫大色青木痛堅硬名虎口疽若初起黃粟  
小皰癢熱焮痛根深有紅線上攻腋內即名合谷  
疔無論疔疽初俱宜羌活散汗之內疎黃連湯清

之疽證膿熟鍼之餘治法按癰疽腫瘍潰瘍門疔  
證於初起將疔根挑去有紅絲者當紅絲盡處用  
鍼砭斷其餘治法俱按疔門

羌活散

見手發背

內疎黃連湯

見腫瘍門

病 鰕 圖



病鰕生手背赤腫高突形勢如鰕兩手皆同

# 病鰕

病鰕每在手背生形勢如鰕赤腫疼內宜消毒外湯洗  
手三陽經熱毒成

註此證生於手背屬手三陽經積熱毒盛而成形勢  
如鰕高埂赤腫疼痛初宜服黃連消毒飲外用食  
鹽酒糟香油同炒令香淬以滾湯淋洗患處即消  
如高埂不消再用蟾酥餅貼之外用巴膏蓋之以  
腐盡墜子次敷生肌散仍用膏蓋收斂

黃連消毒飲

見頭部百會疽

蟾酥餅

即蟾酥丸作餅見疔瘡門

巴膏

生肌散

俱見潰瘍門



# 手了發圖



手了發在手了骨縫間除大指合各穴凡患生手了者皆同此名

手了發

手了發生手指歧濕火凝結本於脾初粟漸豆焮熱痛  
內外治法按疔醫

註此證生於手了歧骨縫間除大指合谷穴其餘指  
了生患即名手了發本於脾經濕火凝結而成初  
起如粟色紅漸大如豆焮熱疼痛潰後疼痛不止  
者俟膿塞脫出其痛方止內外治法俱按疔證門

# 調疽圖

調疽在手大指形如李子其色青紫兩手指同



# 調疽

調疽大指肺熱生如粟如李青紫疼六日刺出膿血吉  
黑腐延蔓斷指凶

註此證生於手大指由肺經積熱而成初如粟豆漸  
腫如李青紫麻木癢痛徹心六日刺破出稠膿鮮  
血者吉出黑血者險初服麥靈丹汗之次服仙方  
活命飲外敷白錠子其餘內外治法俱同癰疽腫  
瘍潰瘍門若黑腐延蔓不痛者名斷指屬逆治法

與足部脫疽同

麥靈丹

仙方活命飲

白錠子 俱見腫瘍門

# 蛇頭疔圖



蛇頭疔生手指頂堅硬有頭十指同

天 蛇 毒 圖

天蛇毒在手指頂間腫無頭十指同



蛇頭疔 天蛇毒

蛇頭疔胞紫硬疼天蛇毒疼悶腫紅二證俱兼脾經火  
看生何指辨專經

註此二證俱生於手指頂尖夫手指雖各有專經然  
俱兼脾經火毒而成蛇頭疔自筋骨發出根深毒  
重初起小胞色紫疼痛堅硬如釘初宜服蟾酥丸  
汗之外敷雄黃散天蛇毒自肌肉發出其毒稍輕  
初起悶腫無頭色紅痛如火燎初宜服蟾酥丸汗



之外敷雄黃牡蠣散二證膿勢將成俱服仙方活  
命飲膿熟開之外貼琥珀膏煨膿生肌治之虛不  
能斂者補之但手指係皮肉澆薄之處不宜灸法  
亦不宜開早若誤灸開早以致皮裂努肉翻出疼  
痛倍增者不能速愈慎之手指經絡圖歌俱見首  
卷

雄黃散

明雄黃 二錢

輕粉 五分

蟾酥二分

冰片一分

共研細末新汲水調濃重湯炖溫敷於患指用薄紙蓋之日換三四次

方歌雄黃散治蛇頭疔紫痛根堅火毒攻冰片蟾酥輕粉末汲水調塗用紙封

雄黃牡蠣散

牡蠣

四錢

明雄黃二錢

另研細共和一處再研勻蜜水調濃重湯炖溫塗

於患指能止疼痛日用五六次

歌方雄黃牡蠣天蛇毒指頭焮紅悶腫疼二味細研加

蜜水調敷止痛效又靈

蟾酥丸

見疔瘡門

仙方活命飲

見腫瘍門

琥珀膏

見頭部  
髮際瘡

# 蛇眼疔圖

蛇眼疔生指甲旁尖角間十指皆同



# 蛇背疔圖

蛇背疔在手指甲後兩手皆同



# 蛙節疔圖



蛙節疔在手指骨節兩手皆同

蛇腹疔圖

蛇腹疔在十指裏面形如魚肚



# 泥 鰵 疽 圖



泥鰵疽在手指一指通腫十指同



蛇眼疔 蛇背疔 蛙節疔

蛇腹疔 泥鰍疽

蛇眼疔在甲旁生甲後名為蛇背疔蛙節疔生中節骨  
蛇腹指內魚肚形泥鰍疽生徧指腫牽引肘臂熱焮疼  
看生何指分經絡總由臟腑火毒成

註此證有五如蛇眼疔生於指甲兩旁形如豆粒色  
紫半含半露硬似鐵釘蛇背疔生於指甲根後形  
如半棗色赤胖腫蛙節疔又名蛇節疔生於中節

連指俱腫其色或黃或紫蛇腹疔又名魚肚疔生於指中節前面腫如魚肚色赤疼痛泥鰍疽一指通腫色紫形如泥鰍煖熱痛連肘臂初起俱宜服蟾酥丸汗之外敷雄黃散次服仙方活命飲膿熟開之貼琥珀膏煨膿生肌虛不能斂者補之但此五證總不外乎火毒凝結而成至於屬何經臟臨證看生何指以辨之手指經絡各詳註首卷

蟾酥丸 見疔瘡門

雄黃散

見蛇頭疔


仙方活命飲

見腫瘍門

琥珀膏

見頭部  
髮際瘡

# 代指圖



代指生指甲身之內三四日後甲面上透一點黃色係膿已成

# 代指

代指每生指甲身先腫焮熱痛應心輕潰微膿重脫甲經血熱是其因

註此證生於手指甲身內由經血熱凝結而成初起先腫焮熱疼痛應心宜用甘草朴消各五錢熬水浸洗即瘥痛仍不止三四日後指甲背面上微透一點黃白色此係內膿已成但無門潰出急用線鍼在指甲身就膿近處撚一小孔膿方得出隨

手捫盡餘膿用黃連膏貼之易愈或失治或過敷  
涼藥以致肌肉寒凝膿毒浸淫好肉爪甲潰空必  
然脫落用琥珀膏貼之一兩月即愈

黃連膏


見鼻部鼻瘡

琥珀膏

見頭部  
髮際瘡

蜣 螂 蛙 圖

蜣螂蛙在手指骨節粗大硬腫



蜺螂蛀

蜺螂蛀由痰氣凝指節堅腫蟬肚形初起不疼久方痛  
潰久膿清癆病成

註此證多生於體虛人手指骨節由濕痰寒氣凝滯  
而成初起不紅不熱不痛漸次腫堅形如蟬肚屈  
伸艱難日久方知木痛初腫時宜先服六君子湯  
益氣除濕化痰外以離宮錠薑汁磨敷或兼陽燄  
錠於堅痛處灸之自消若失於調治腫處漸漸腐



爛膿如清水淋瀝不已腫仍不消然在骨節之處  
潰久大泄氣血每成瘡瘍之證宜豫服人參養榮  
湯補之外貼蟾酥餅子陀僧膏蓋之遇壯年人如  
法治之可愈若年老及虛羸之人不能收功

六君子湯

即香砂六君子湯減去  
藿香砂仁見腫瘍門

離宮錠

見腫瘍門

陽燧錠

見首卷烙法

人參養榮湯

陀僧膏

俱見潰瘍門

蟾酥餅

見疔瘡門

癰

瘡

圖

癰瘡生兩手及指掌中形如菜花兩手相對而生



# 癰瘡

癰瘡每發指掌中兩手對生茱萸形風濕癢痛津汁水時好時發久生蟲

註此證生於指掌之中形如茱萸兩手相對而生亦有成攢者起黃白膿皰癢痛無時破津黃汁水時好時發極其疲頑由風濕客於膚腠而成以潤肌膏擦之若日久不愈其癢倍增內必生蟲治以殺蟲為主用藜蘆膏擦之甚效忌動風鷄鵝魚腥等

物

藜蘆膏

藜蘆

苦參 各一兩

豬脂油八兩將二味煤枯濾去渣入松香一兩溶  
化開離火再加枯礬末雄黃末各一兩攪勻候溫  
塗之以痊為度

方歌 藜蘆膏用苦參良脂油煤濾入松香再加枯礬雄

黃攪殺蟲止癢抹癰瘡

潤肌膏

見頭部  
白屑風

# 狐尿刺圖

狐尿刺在兩手及臂先腫次起紅紫斑點腐爛延開



# 狐尿刺

狐尿刺生手足間悶腫焮痛紅紫斑螳螂精尿流積毒  
誤觸肌膚痛不眠

註此證大成書名狐狸刺外臺總錄二書名狐尿刺  
由螳螂盛暑交媾精汁染於諸物乾久有毒人手  
足誤觸之則成此患初起紅紫斑點肌膚乾燥悶  
腫焮痛不眠十日後腐開瘡口日寬內宜服黃連  
解毒湯外以蒲公英英連根濃煎溫洗若得鮮蒲公英



英搗汁塗患處更佳蓋螳螂又名野狐鼻涕此證  
取名蓋本於此將潰治法按癰疽潰瘍門

黃連解毒湯見耳部黑疔

鵝掌風圖

鵝掌風生兩手掌



# 鵝掌風

鵝掌風生掌心間皮膚燥裂紫白斑楊梅餘毒血燥熱兼受風毒凝滯源

註此證生於掌心由生楊梅餘毒未盡又兼血燥復受風毒凝滯而成初起紫白斑點疊起白皮堅硬且厚乾枯燥裂延及徧手外用二礬散洗之三油膏擦之內用祛風地黃丸料加土茯苓白鮮皮當歸為佐作丸服之甚效若年久成癬難愈又有不

因楊梅後無故掌心燥癢起皮甚則枯裂微痛者  
名掌心風由脾胃有熱血燥生風血不能榮養皮  
膚而成宜服祛風地黃丸外用潤肌膏久久搽之  
即愈

祛風地黃丸

生地

熟地 各四兩

白茯苓

川牛膝 各三兩  
酒洗

知母

黃蘗

枸杞子各二兩

菟絲子

酒製

獨活各一兩

共研末煉蜜和丸如梧桐子大每服三錢黃酒送下夏月淡鹽湯下

歌方祛風地黃除血熱鵝掌風生服即瘥知藥疾藜牛

膝菟獨杞同研煉蜜和

二礬散

白礬

皂礬各四兩

兒茶五錢

側柏葉八兩

水十盞煎數滾聽用先以桐油搽患處再用紙撚  
桐油浸透火點向患處薰片時次用前湯乘熱貯  
淨木桶內手架桶上以布將手連桶口蓋嚴湯氣  
薰手勿令泄氣待微熟將湯傾入盆內蘸洗良久  
一次即愈七日切不可見水

方歌  
二礬掌起紫白斑礬與兒茶柏葉煎先以桐油搽  
患處油撚燃薰後洗痊

三油膏

牛油

柏油

香油

銀朱 各一兩

官粉

麝香 各二錢  
研細

將三油共合火化入黃蠟一兩溶化盡離火再入  
朱麝官粉等末攪勻成膏搽患處火烘之以油乾  
滋潤為度

方歌三油膏潤鵝掌風初斑漸裂燥癢攻牛柏香油朱


粉麝蠟熬擦患火工烘

潤肌膏

見頭部  
白屑風

御纂醫宗金鑑卷六十八





總校官庶吉士臣張能照

校對官編修臣楊壽楠

謄錄監生臣熊輝

繪圖監生臣竇光國